

Vol. 36, Fasc. 4. M. Brunec, De sensu protoevangelii Gen. 3:15; P. Dacquino, Filii lucis in Eph. 5, 8-14; M. Zerwick, R. R. Patrum Franciscanorum Italiae primus de re biblica conventus.

Vol 36, Fasc. 5. S. Lyonnet, De notione emptionis seu acquisitionis; J. I. Vincentini, De necessitate operum in priore parte Epistolae ad Rom.; C. Bouwman, Juliani Aeculanensis commentarius in prophetas minores tres: Osee, Joel, Amos.

BOEKBESPREKING

DR. F. L. BOS en andere, *Ware Christelike Belijdenis der Nederlandse Kerken*, 214 bls., J. H. Kok, Kampen 1957.

Hierdie werkie is geskryf deur elf „Predikanten van de Gereformeed Gezindte” waarvan vyf Gereformeed is, drie Christeljk Gereformeed, twee Hervormd en één Vrijgemaakt Gereformeed. Die redakteur was Dr. F. L. Bos. „Vanuit de gebrokenheid van onze vele kerken” het hulle hier ’n „actueel belijdende omskrywing van onze Nederlandse geloofsbelijdenis” gegee. Die boek dra dan ook die sub-titel: „Proeve van hernieuwde geloofsbesinning”. Die oogmerk was dus om in die styl van ’n kerklike belydenis, terwyl daar van die moderne taal-idioom gebruik gemaak en ruim uit die Skrif self aangehaal word, die skriftuurlike agtergrond en die aktuele sin van die N.G.B. te verhelder.

Ek glo dat hierdie boek, beide wat die inhoud (nl. ’n aktueel belydende omskrywing van die N.G.B., in die sin van hernude geloofsbesinning) en wat die rangskikking en versorging van die stof deur die drukker betref, baie geslaagd is. Dit wil geen groot en grondige wetenskaplike kommentaar oor die N.G.B. wees vanuit tekskritiese, dogmenhistoriese en dogmatiese gesigspunt in die sin van Los, Polman, Koopmans en so meer nie, maar op sy eie wyse verdien dit tog weldeeglik ’n regmatige en waardige plek in die literatuur i.v.m. die Nederlandse Geloofsbelydenis.

B. J. ENGELBRECHT.

DS. A. J. KRET, *Ten Dis Geleid*, (100 bls.), J. H. Kok, Kampen 1957.

Die skrywer van hierdie boekie oor „de betekenis van het sacrament van het heilig Avondmaal voor ons”, is Hervormde predikant op Krimpen aan de Lek en behoort tot die Hervormd-Gereformeerde kring; hy was ook mede-opsteller van die boekie wat ons hierbo geresenseer het nl. die werkie oor die N.G.B.

Hierdie werkie dra dwarsdeur (bv. bls. 38-41, 54-57, 63 v.v., 75 v.v.) ’n sterk apologetiese karakter. Dit pleit naamlik vir die noodsaaklikheid van die aansit aan die nagmaalstafel en is gerig teen „de onverantwoorde mijding van en angst voor dit zo troostvolle Sacrament” wat daar by baie lidmate en selfs ook predikante van die Hervormd-Gereformeerde

kring bestaan. Waar hierdie mense dikwels die nie-aansit aan die nag-maalstafel sien as die waaragtige erkenning van die heiligheid van God en die sakrament van die Avondmaal, en dus as uitdrukking van die erkenning van ons sondige nietigheid en van die stoere ortodokse geloof, daar wys ds. Kret uitvoerig daarop dat die nie-aansit geensins neutraliteit beteken nie (bv. bls. 71), maar veeleer 'n breuk met „de orde Gods, gesteld in Zijn Kerk in de beleving van het heil” (bls. 71) en dat volgens die bybels-reformatoriese leer van die Avondmaal „aan het niet-mogekomen aan de Tafel vast (zit) het „geen deel hebben in het rijk van Christus”. (bls. 55). In hierdie lig gesien is dit ook verstaanbaar dat die skrywer baie nadruk lê op die „vermanende gedeelte” van die leer i.v.m. die Avondmaal in belydenisskrifte en formulier en in sy ondersoek klem laat val op die betekenis van „uitgeslote-wees” uit die sakrament.

Hierdie apologetiese tendens neem egter nie weg dat ds. Kret (alhoewel sy ondersoek geensins groot, nuwe en oorspronlike perspektiewe open en nuwe gewens na vore bring nie) ook 'n baie duidelike uiteensetting van die Avondmaal gee nie. Hy begin nl. met die Pascha in Israel, ondersoek dan die nuwe-test. gewens i.v.m. die Avondmaal „als vernieuwing en vervulling van het Pascha” (bls. 10), gaan dan die leer van die Avondmaal na in die simboliese en liturgiese geskrifte van ons Kerk, en pas dit dan toe in die vierde hoofstuk op elke lid van die gemeente persoonlik. „Ten dis geleid” is dus binne die perke wat dit self stel, 'n goeie en belangrike boek oor die heilige Avondmaal.

B. J. ENGELBRECHT.